

ACD Val Badia - AFC Hochpustertal

Inviato da Renato

Ultimo aggiornamento domenica 30 agosto 2020

Domènia, 13. otober 2019

La Val Badia se lascia scampé la diventa dô le dopl vantaje cuntra en aversâr de dôt respet.

La partida à ciamò podú gní sogada sôn le ciamp "Pradel" por le bunes condiziuns dl temp, impede sö a La Ila. Te en bel domisdé se an podú gode na intersanta partida, de n bun nivel. I ghesc dl Alta Val de Puster meta tira man da fá le jüch, dô en önescmetri nia trasformé röia impó le dopl vantaje por la VB. Mo la reaziun di pustri é stada grana y ai é rová al merité pêr. Cun en bun punt messun da en ultima ester contenc.

Al 5[^] menüt mess alzé na trata da na pert ite te porta Frenademetz sura porta fora te ciantun sôn trata dl ot Bosa. Dô da 12[^] de jüch, sôn n bel pass de Masoch che abina en palé jó en som dl ciamp y tl passa dan porta a Lorenzini. Súa trata da n meter robat cun le pé le un puster. Al 15ejim él en contrast t' aria danter Granrauz y le önesc Schwarz che toma, i pustri sügha inant mo protesta sôn le intervent. Sôn l' aziun tira en atacant te porta, mo sôn la trata fej en gran intervent le numer nú dla VB rebaton la trata püch dan porta. Al 28[^] menüt fej Masoch sôn la man derta na gran sogada y passa en palé d' ora al "capitan" dla VB che tira te porta. Cun dös gran parades, öna cun les man y öna cun i pîsc salva Auer le resultat. Dô da 31[^] de jüch sôn na trata de Lorenzini püch dan porta abina le dui Oberkofler le curan te n brac. L' arbiter Menotti cunzed en önescmetri ala VB. Stampfer tira en striscun bass sôn la man ciampa dl portier. Cun na gran rebatöda devieia le bun vedaporta da na pert fora. Dô da 45[^] menüc sôn na bela passada de Farenzena y na picia deviazion de n defensur puster röia le palé a Masoch che splundra te porta por le 1 a 0.

Dô da 64[^] de jüch röia le dopl vantaje por la formaziun de Curti. Sôn na trata de Lorenzini cuntra porta röia ala deviazion "Matti" che é bun en chesc iade da bate le sterch portier dl Alta. Al 69[^] menüt él en sot y sura dan porta ladina dô na trata da ciantun. Le catordesc Sulzenbacher röia à spizé le palé te porta da püc metri por le 2 a 1. Na gran trata de Kastlunger al 72ejim vegn deviada dal un puster sura stangia fora. Dô da 74[^] menüc toma le 2 a 2. Sôn na trata dal ciantun se alza danter deplú defensurs le set P.Bocher che devieia bel te porta de ce. Gran ligreza por i pustri. Al 81[^] de jüch röia sú cuntra aria dl "Alta" Stampfer che vegn tigní sö dal scüre dl arbiter por na posiziun de fora dl jüch. Chiló sal begn falé le direttur. Al 92[^] menüt tira i pustri na puniziun t' aria dla VB. Lorenzini l' abina de ce cuntra süa porta, cun n gran intervent sôn süa man ciampa salva Frenademetz süa squadra dal 2 a 3. Insció se röia la partida cun düc contenc por en bun punt. Por le derby, cun dôte dös le squadre cun i medemi punc, ciararan da defene chesta buna posizun te tlassament.

ACD Val Badia - AFC Hochpustertal: 2 - 2

Formaziun Val Badia: 1.Denis Frenademetz, 2.Simon Erlacher, 3.Mattia Kastlunger, 4.Gianluca Lorenzini, 5.Kevin Fersuoch, 6.Florian Barbolini, 7.Simone Masoch (dal 61[^] Alexander "Sandi" Ploner II), 8.Cristian Granrauz, 9.Alexander Ploner I (dal 68[^] Marc Mayr), 10.Matthias Stampfer (capitan), 11.Enrico Farenzena.

Alenadú: Cristian Curti.

Goi por la Val Badia: 45[^] Simone Masoch, 64[^] Matthias Stampfer.

Proscima partida: en domenica, ai 20 d' otober da les 15:30 sôn la plaza "Ciamaur" da Al Plan por le "derby" cuntra le Mareo.